

## lis Gnovis

## ■ MILAN. Giandomenico Picco «Om just»

L'ambassadôr udinês Giandomenico Picco, intant des celebrazions de «Zornade dai Juscj» dal 2019, al à ricevût la bergamine di «Gariwo» (<https://it.gariwo.net>) che lu à ricognossût «Giusto 2019 del Giardino virtuale». La clape, ch'è cure il «Zardin dai oms juscj de Mont Stella», e à intindût cussi di valorizà la sô vore di «ambassadôr dal ben» e di «difensôr des personis e de dignitât umane». In cualitât di funzionari des Nazions Unidis, Picco tantis voltis al riscjât di murî procurant di salvâ lis vitimis des vueris mediorientâls e, in specialitât, i presonîrs occidentâi di «Hezbollah», a Beirut.

## ■ ROME. Une leç pe «Aghe publiche»

«La privatizion e à falît. Si scuén superâ il faliment fasint buine daurman une leç su l'aghe publiche»: al jere ançje il missionari Alex Zanotelli fra i puartevoês dal «Forum talian dai Moviments pa l'aghe» ch'a àn puartât chest mes tal Parlament di Rome, dulà che la Comission ambient e à tornât a tacà la discussion su la propueste di «Leç pe gjestion publiche e partecipade dal cicli des aghis», nassude de propueste d'iniziativa populâr dal 2007. L'iter si jere fermât te legislaçure stade, cundut che la propueste e jere stade firmade di 400 mil eletôrs e ch'è jere prudelade di un intergrop parlamentâr pe «Aghe Ben comun» fuart di 200 parlamentârs. I gjestôrs privâts – a batin chei dal «Forum» – no fasan mai plui e mai altri i investiments necessaris par fermâ lis straçariis (pal «Istat», par un esempi, il 28% dai Comuns furlans al regjistre tai acuedots pierdits superiôrs al 70%), stant ch'a continuin a spartîsi, in «dividendi», fra i siei azioniscj, il 91% dai civanz.

## ■ REANE. La rêt de solidaritât

La novesime edizion di «Solidarietât in Rete» e proponarà doi apontaments. Miércus ai 27 di Març, si tache cu la convigne «Solidarietât, integrazione e cultura socio solidale: la formazione inizia sui banchi di scuola», li de scuele mezane di Trevesin; e si larà indevant ai 22 di Mai, cuntune «Zornade di sport integrât», li dal cjamp di atletiche di Reane. Te organization a son bielzà ingaiâts il Comitât «Sport Cultura Solidaritât», i Comuns di Reane e di Trevesin, l'Istitût comprensif dal Roiâl e di Trevesin e lis clapis dal circondari. Il fin al è simpri chel di promovî e di slargjà la culture de solidaritât sociâl, coinvolzint lis Comunitâts e, massimementri, la zoventût.

## ■ GLEMONE. Letaris îr, vuê e doman

Al torne il premi leterari dal Comun «Glemone îr, vuê e doman». I concorints a podaran presentâ lavôrs naratîfs par fruts fin ai 11 agns; lavôrs di didatiche dal insegnament de lenghe furlane; lavôrs di grop di classis di scuele; e tesçj teatrâi ineditis. Lis voris a varan di rivâ li dal municipi di Glemone drenti dai 28 di Jugn. Par informazions: 0432 973239.

## ■ SAN DENÊL. Evento Splendor

Il prin di di Avril, il Cine di San Denêl al presente un altri dai siei «Evento Splendor». A 21, e sarà proponude la serade «Quando il vuoto dà pace...», par cognossi la guide alpine Marco Milanese di Remanzâs e par viodi i filmâts des sôs impresis sui crets e su la glace des Alps Juliis e des Dolomitis e i siei varcs «B.a.s.e.», cu la tute alâr.

Joibe 28	Ss. Prisco e C.	Lunis 1	S. Gjilbert
Vinars 29	S. Bertold	Martars 2	S. Francesc
Sabide 30	S. Second	Miércus 3	S. Agape, Chione, Irene
Domenie 31	S. Beniamin	Il timp	Par cualchi di aiar plui frêt



**Il soreli**  
Ai 27 al iève aes 5.57  
e al va a mont aes 18.28.



**La lune**  
Ai 28 ultin cuart.

**Il proverbi**  
L'aghe corint  
no puarte sporçjetât.

**Lis voris dal mès**  
Cu la Vierte si svein lis jerbatis:  
miôr gjavâlis.

## Comunitâts tal centri

Aministradôrs  
e funzionaris a scuele  
di partecipazion

Seont la Costituzion, i Comuns a àn il dovê di favori la partecipazion dai citadins

**L**a Costituzion e dis franc e net: «Stât, Regjons, Citâts metropolitâns, Provinciis e Comuns a favorissin l'iniziativa autonome dai citadins, tant di bessôi che associâts, te realizazion di ativitâts d'interès gjenerâl, seont il principi di sussidiarietât» (articul 118). Ma «Dal dit al fat al è un biel trat», al in-segne il proverbi... Si che, par no che la riforme dal Tierç Setôr no resti inaplicabil e par no che il protagonisim dai citadins e des Formazions sociâls nol sedi inderedât propit dai Ents locâi, ch'a varessin di jessi i prins a favorîju, «Anci», «Federsanità», «Forum regionâl dal Tierç setôr» e «Centri servizi volontariât» si son messe dâts par imbastî un programe di formazion par amministradôrs e funzionaris comunâi su «La Riforme dal Tierç setôr» e su «Oblics gnûfs e oportunitâts pai Ents locâi», daûr dal Codîç 117/2017.

Il percors formatif, batiât «Linea 55 tappe in Comune», al partis ai 29 di Març, cu la convigne «La Riforma del Terzo Settore: nuovi obblighi e opportunità per gli Enti locali». Ai sindics e ai funzionaris comunâi ur sclârîrâ i contignûts tecnics de riforme, cui dovês e cui risultâts che si scuén spietâsi, il professôr Luca Gori de Scuele universitarie superiôr «Sant'Anna» di Pise. Lis voris dal 'seminari a saran screadis, li de «Cjase de Imaculade» di Udin (al numar 40 di strade Chisimaio) a 17, dal president regionâl de Associazion dai Comuns, Mario Pezzetta, e dal puartevoês dal «Forum dal Tierç setôr», Franco Bagnarol.

La formazion su lis pussibilitâts ufiertis de riforme, par svilupâ veris co-progjetazions e co-programazions fra Tierç setôr e Comuns a pro des Comunitâts locâls e pal svilup

Ai 29 di Març, si presente il percors formatif pai Comuns su la sussidiarietât e su la Riforme dal Tierç setôr

dal teritori tai setôrs sociâl, ambientâl, culturâl e sportîf, dulà che che plui fuarte e je la presince des impresis sociâls e dal volontariât, al larà indevant fintremai te Sierade cu ven, cun altris 3 tapis. Vie pai mès di Avril e di Mai, a saran inmaneâts dai 'seminaris tecnics pai funzionaris comunâi; tai mès di Jugn e di Lui, a saran invidâts i amministradôrs. Fra Setembar e Otubar, si lavorarà cui funzionaris su la co-progjetazion. De Sierade dal 2019 al Istât dal 2020, e sarà programade une schirie di laboratoris teritoriâi par mostrâ e ideâ

esperenciis praticchis di aplicazion de riforme dal Tierç setôr. Insom dal percors, i organizadôrs a bramin che ducj i Ents locâi a saran in stât di davuelzi il so compit public in formis plui «proativis e plui partecipativis viers dai citadins», ricognossint i Cuarps intermedis ch'a son il gnerf des Comunitâts. I destinariis dal percors a podaran burî fûr lis informazions tecnichis necessariis domandant i uficis di «Anci» (0432 21374 - info@anci.fvg.it - www.anci.fvg.it).  
**Mario Zili**

A Cividât, si programe  
i «robot» dal avignê

Tal Progjet «Erasmus+ KA2» pe colaborazion fra scuelis, «Eurorobot», al è stât ingaiât ançje il Liceu scientific dal Convit statâl. I students di Cividât, cun compagns francês e catalans, a son stâts impegnâts in programis di costruzion e di programazion di «robot». L'ativitât e je culminade te competizion finâl fra 3 scuadrîs transnazionâls, ai 22 di Març, a Cividât. Tal progjet, svilupât vie pal an 2017-2018, a àn lavorât 120 students. I scuelârs rivâts de France e de Catalogne a àn cjatât biel acet tes fameis dai compagns furlans.

## Messe par furlan

Ançe a Udin, une volte par setemane, si cjante Messe par furlan. La liturgjie eucaristiche de domenie e ven celebrade te vilie de fieste, ogni sabide a 18, li de capele «de Puritât» (cun Radio Spazio che le trasmet sul moment). Sabide ai 30 di Març, al cjantarà Messe monsignôr Duilio Corgnali, plevan di Tarcint. E compagnarà la celebrazion la corâl «San Pietro Apostolo» di Tarcint.

## Peraulis in dismentie par cure di Mario Martinis

## ❖ CJÂF

s.m. = capo, testa; caparbio; bravo; sgherro, birba (senso vezzeggiativo)  
(dal latino caput "testa")  
O ai un mâl di cjâf cussî fuart che o scugni sentâmi.  
Ho un mal di testa così forte che mi devo sedere.

## ❖ CIDIN

agg. = silenzioso, cheto, zitto  
(dall'aggettivo quetu "cheto" con suffisso diminutivo -inu)  
Cidin, cidin Luche al à cjolt lis caramelis de none.  
Zitto, zitto Luca ha preso le caramelle della nonna.

## ❖ CIDULE

s.f. = carrucola, rotella, girella, articolazione  
(si ritiene derivi dal latino gyrus o gyrare)  
Sêstu stât chest an a tirâ lis cidulis?  
Sei stato quest'anno a lanciare le rotelle infuocate?

## ❖ CIMIÂ

v. = fare l'occholino, ammicciare; anche luccicare delle stelle  
dai verbi (ac)cennare e gemicare)  
Ce ninin chel zovin che ti cimie.  
Che carino quel giovane che ti fa l'occholino.

## ❖ CINCUANTÂ

v. = indugiare in dubbi, ciance, in piccole contestazioni (parallelo della forma italiana del XIX sec. cinquantare "esagerare con molte parole", deriva dal latino quinquaginta, cinquagintâ)  
No stin a cincuantâle tant: volêso o no volêso?  
Non indugiamo così tanto: volete o non volete?

## ❖ CINGLINÂ

v. = tintinnare  
(forma continuatrice dal latino \*tinniculare, frequentativo dal verbo tinnire)  
O ai sintût a cinglinâ alc inte tô sachete.  
Ho sentito tintinnare qualcosa nella tua tasca.